



# 泰國佛教一瞥

王子暉

泰族自中國雲南遷於黃金半島之前，仍為一迷信靈魂及崇拜祖先之民族。自入居暹羅後，始捨舊信仰而奉佛教。今則舉國上下，幾視佛教為國教矣。惟今日暹羅之佛教，雖有由柬埔寨遺傳之婆羅門教及印度教之成份，因昔時暹羅中部，嘗為扶南之屬土也。

## 一、佛教入暹

考佛教傳入暹羅，可分四期：第一期自佛曆三〇三（西曆紀元前二四〇）年印度阿育王嘗派末那及章他拉二高僧至暹羅宣揚佛教。所傳屬原始小乘。今日泰國佛統之佛塔始基，即當日佛教南傳建築物之遺址。當時佛統為羅族所建他哇拉哇底國之都城，人烟稠密，故印僧擇為佈教之中心。次為佛曆一三〇〇（西曆七五七年），蘇門答臘施威猜大帝強盛時侵入馬來半島，同時傳入大乘教義於暹南。今日暹南猜耶、西勢洛坤、董里及博他崙等地，尚有當日佈教之遺物，與爪哇之佛教相同。三為佛曆一六〇〇（西曆一〇五七）年，緬甸打敬皇朝阿努力王，併吞蒙國，侵入暹北。此時泰族始由中國入暹，遂接受緬式小乘。至佛曆一八〇〇（西曆一二五七）年，暹僧親赴錫蘭取經，同時偕錫僧至西勢洛坤宏法，是為第四期。自後暹人所崇奉之佛教，全為錫式小乘矣。

## 二、寺僧統計

自佛曆一八四〇（西曆一二九九）年，暹羅素可大皇朝藍甘幸大帝，嘗聘錫僧入居素可大帝都宏法。嗣後經大城，君通，曼谷諸皇朝，歷代帝皇，莫不削髮皈依我佛，於是上行下效，使暹羅成爲一名實相符之佛國，非偶然也。據一九五六年統計，全國有佛寺二〇六一九所，受戒僧一五四九一〇人，未受戒僧八六二〇八人。以暹羅人口二千萬比例，則僧伽佔全人口千分之十二。

## 三、佛教派別

目前暹羅之錫式小乘，細分之有二派：一爲宗法派，爲現朝第三世皇蒙骨王（一八五一至一八六八）所倡立。現有僧伽一二四六二人，分居於七九八佛寺。一爲大眾派，現有僧伽約廿萬人，分居於二萬佛寺中。兩派皆嚴守佛教之二七分律，僅於日常之修持，有小不同。宗法派僧伽之黃袈裟向左纏，偶遇越軌，即行懺悔，誦律時，公開舉行。大眾派則反是，其袈裟向右纏，每日日出及就寢前，例行懺悔，誦律兩次，則閉戶自持。

## 四、佛教組織

自一九五四年以後，暹羅佛教，仿國家之組織。上有僧王，爲全國最高之佛教領袖。設教務院，（相當於國務院）爲佛教之最高行政機關。有院長一人，委員十人，下分總務教育宣傳工務四部，部有部長。又設諮詢院，（相當於國會）

有委員四十五人，爲僧王之諮詢機關。

## 五、僧伽教育

泰國目前有最高之僧伽學院二所：一爲摩訶瑪骨宗教學院，一爲朱拉僧伽學院。每院年得國家之補助費八萬銖，一九五六年，有摩訶瑪骨學院巴利文學員一二八九人，及其他佛教團員及居士一九一五〇人，參加全國各級之宗教會考。暹人研究佛學之盛，可以概見。

## 六、優待僧伽

一九五五年泰政府撥給佛事業之預算爲八六五二五〇〇銖。其中贊助僧伽之費用，約佔百分之四十。數年前，又由政府及私人之協助，在曼谷建一僧伽醫院，其建設費在四百萬銖以上。各府之官立醫院，亦有僧伽之特設病室。全國鐵道，皆對僧伽因公往來免費優待。

## 七、宏揚佛法

除外僑之佛教團體外，由泰政府贊助之佛教總會，有會員約二五〇〇〇人，分會遍全國。其宗旨在宏揚佛法，及協辦福利事業。每逢佛日（每月約四次）政府之廣播電臺及電視有佛法之演講。對於佛學之研究，在暹京有星期日學之創設。

## 八、僧民關係

泰人既大數信佛，無論婚、喪、慶祝年節紀念，多燕僧伽參加，誦經祝禱。據統計暹人每人每年之收入，平均有百分之三至四，用於施僧。內地村落之佛寺，則常爲人民社交之場所。僧伽對於村民之生活，不獨爲教師，爲醫生，甚或爲

相士，及一切疑難之指導者。人民之生活已與僧伽打成一片。因佛教爲一節慾、慈悲、自由、平等之宗教。泰人之能知足、好施、酷愛自由、及不至暴戾者，未始非崇拜佛教薰陶之賜也。

## 泰京天華醫院

### 大悲法會十天

【曼谷通訊】此間僑胞所辦之天華醫院爲恭祝觀世音菩薩聖誕，特建大悲法會十天，並恭請中華佛學社監事長陳慕禪居士宣講普門品，由農曆二月初十至十六日計七天。聽衆踴躍異常。另由十七日至十九日每天上午八時至晚十一時，恭請泰華各佛教團體參加誦經禮懺，籍仗大悲願力爲各界祈福消災。

【曼谷通訊】天華醫院籌備觀世音菩薩聖像，最近獻金一千銖共結善緣者，計有新加坡各佛教團體之世界佛教總會新加坡埠區分會，報恩寺，同善堂，四馬路觀音堂，圓通寺，佛教居士林，暨畢俊輝居士，楊慕貞居士，麥泰開居士，關秀華居士。也拉府葉慶才，北大年沈順才，生發火警。本京謝愛娟，陳禮炎，王秉國，劉王氏，謝東妹，楊純華，鄭秀清，丁章旺，如意藥房等多位。臺灣李炳南居士，朱斐居士，蘇美君居士，亦獻金參加鑄像行列。其他隨緣獻金者，異常踴躍云。

## 贈書

本刊旅泰名譽社董廖振祥居士寄下一八關齋戒法特刊一百本，需要者附回件郵資二角即贈一本，限本刊直接訂戶。